



柳田文庫  
文庫11  
D 85  
4





文庫  
D 85  
4

清容居士集卷第七

元 袁 桷 撰

古詩 七言

煮茶圖 并序

煮茶圖一卷髣石窗史處州燕居故事所作也石窗  
諱文卿字景賢外高祖忠定王曾孫儀觀清朗超然  
綺紈之習聚四方奇石築堂曰山澤居而自號曰石  
窗山樵此圖左列圖卷比束如玉筍錦繡間錯旁有  
一童出囊琴拂塵以俟命右橫重屏石窗手執烏絲  
欄書展翫疑有所構思屏後一几設茶器數十一童  
偃背運碾綠塵滿巾一童篝火候湯蹙脣望鼎口若



010190555343  
48-12131



清客集卷一  
三百九十五  
懼主人將索者如意塵尾巾壺硯紙皆纖悉整具羽  
衣烏巾玉色絢起望之真飛仙人子意永和諸賢放  
浪泉石當不過是而其泊然宦意翰墨清灑誠足以  
方駕而無愧甲午冬十月其孫公疇出以相示因記  
而賦之以發千古之遠想云

石窗山樵晉公子獨鶴蕭蕭煙竹裏月湖一頃碧琉璃高  
築虛堂水中泚堂深六月生涼秋萬柄風搖紅旖旎遵南  
更有山澤居四面晴峰插天倚憶昔王門豪盛時甲族丁  
黃總朱紫曉趨黃閣袖香塵俯首脂韋希雋美一官遠去  
長安門德色欣欣對妻子豈如高懷脫榮辱妙出清言洗  
紈綺郡符一試不挂意岸幘看雲臥林墅平生嗜茗茗有

癖古井汲泉和石髓風回翠碾落晴花湯響雲鐺袞珠藥  
齒寒意冷復三咽萬事無言歸坎止何人丹青悟天巧落  
筆毫芒研妙理黃梁初炊夢未古舊事淒零誰復紀展圖  
縹眇憶遺蹤玉珮珊珊響秋水

贈張玉田

循王五世孫  
來鄞設卜肆

將軍金甲明如日勒馬橋邊清警蹕淮壖徹衛羽書沈置  
酒行宮功第一蟬冠熊軾填高門英英玉照稱聞孫

張鑑  
號約

齊堂名  
玉照百年文物意未盡玉田公子尤超羣紫簫吹殘江  
水立野雉驚塵暗原隰夜攀雪柳踏河冰竟上燕臺論得  
失丈夫未遇空遠遊秋風浙瀝銷征裘翩然騎鶴歸海上  
一笑相問誇綢繆兩曜奔飛互朝夕璇府森芒蠡莫測要



須畫紙爲君聽落筆雌黃期破的壺中白日常高懸道逢  
落魄呼醉眠清歌停雲意慘淡倚聲更度飛龍篇

題子昂浴馬圖

苜蓿原空雪新積羣馬飢鳴渡江食大梁公子心未平一  
匹宛駒萬夫敵圍人初浴意氣增跨轡已晚知無成雲窗  
徘徊悄無語掩卷索索猶風生

送倪德進歸番陽

書眸的的垂元珠辯口落落傾冰壺寶刃挂壁指閭闔扁  
舟挾浪辭東吳低昂黍禾故流道隱沒桑棗遺宮墟仰看  
浮雲勿復語俯視逝水誰爲圖天衢晴塵接冠蓋石室古  
簡搜盤孟大宜置身竝班馬小卻論事追唐虞懸知擔簦

要有得永愧折簡終難呼淡春無人碧桃靜落月在屋冥  
鴻俱歌聲清琅振金石筆意橫逸搖璜琚苦心豈爲爨下  
木帖首不作轅中駒牛毛取土固當走魚目眩世徒爭姝  
平原飛埃宿麥盡長河奔潦柔桑枯還家勿陳賈生策閉  
戶趣著神農書相思我亦返屠肆靜念子豈淹田廬

送僧德芬過松江

海門山人捐竹杖笑指飛濤挾雙槩雲間鶴唳耳不聞洞  
下龍歸夢猶想我聞諸天亦官府一息塵寰總調御黃花  
滿院人跡稀霜月離離在前戶

憶陳道士

空巖羽人氣爲祖玉立秋空振元古酒酣高歡裂行雲直



上鈞天聽濩武白雲一去誰遺情掉首不問人間名當時  
雙瞳傲餘子猶有翰墨傳孤清紫綸交馳丹闕下人道山  
中多僕射黃金蛻骨碧藤溪夜半寒光明月價飛鳧縹眇  
山鬼靈蕙殺一薦端貴誠欲從桂父乞仙露虛牝回激笙  
竽聲

病馬圖

青絲屈曲長安道卓午歸來廐中老側身仰天思遠遊口  
不能言顏色悄奚官卻立淡有疑似言非病那用醫願乘  
長風迅絕足一息八極歸瑤池

次韻張伯雨梅花島

雲屏油幕低覆垂晴日倒映黃琉璃孤根自有巖壑趣屈

曲緹室情依依魏戟青女來藥珠赤腳獨立層冰渠燧人  
當陽朝寶鑑金胥簇陋催銅壺何人胷中藏九島內火迴  
環不知曉咄嗟已辨天機淡頃刻能成化工少陰陽在手  
司帝春坐窗更試明窗塵江湖遠涉汝良苦門外萬竅笙  
竽吟

次韻渭川春玉圖二首

至人虛心實其腹手種琅玕如種玉晴雲散墨春思浮咫  
尺經營千畝足清標亭亭儼矜絜笑脫斑斕賜膏沐揚旌  
植燾神君遊萬籟無聲江水淥此君之志那可量榮辱相  
忘在空谷大宜蓬萊之三山小宜武夷之九曲前如綺園  
歌紫芝後若夷齊侍孤竹隃麋之墨清且奇脫落元黃乃



眞目幽齋尸居耿相對有客叩門淡絕俗天空日沈碧雲  
湛細酌寒泉茗秋菊夢迴倚杖森在在煜煜雙瞳鬢淡綠  
瑤林羣仙歌捧腹解帶蘭臯指佩玉淡知五采眩空花守  
墨空巖思濯足層冰急雪成九轉重露輕煙方一沐湘君  
寶瑟調初絕唯見遙峰蘸寒淥長空旋宮起萬籟翠袖無  
言守山谷紛紛落葉漫渭水耿耿殘花守韋曲論功歲晚  
端有意淡愧羣英不如竹森然壁立聯堵牆變化淋漓傾  
眾目高人宴坐不出門一榻常懸謝巖俗每令此君當上  
坐末席餘清友松菊回首故園新雨晴無盡春風吹草綠

忍恕堂

大都袁氏

汝南堂堂臥雪翁飲寒閉戶稱高風吳相叵何不知止二

石醇醪能脫死吾宗高標兩都史餘子紛紛那足比人生  
遇事何強嗔百年歲月籠中身水清之魚鈎滿餌白鶴出  
林紅鶴忌君家兄弟如聯珠熟視不語疑模糊連理之木  
多慈烏大兒拱立羣雛趨家僮大勝千木奴冬園芋栗夏  
芙蕖壺有美酒架有書不識喜愠眞何如門前駟馬填華  
裾

飛鴻軒

新安胡則大

冥冥天機衝紫霄炎洲雪嶺窮遊遨鷓鴣一枝掩日避始  
信懷土非吾曹勞生貴賤各有適攘臂何人限南北三足  
之烏今不停寒暑周迴短長刻

李士宏枯木風竹圖

爲玉隆陳又新作



狂蛟舞空蒼髯拏雙鐵蒙頂雲交加亭亭霜標不受侮慘  
澹天籟扶槎牙西山古淵人莫測一柱承天萬牛力會須  
截玉化陂龍拂拭苔光遺劍跡

題茅山道士雪梅障

積金峰頭雲五采天女行空散珠琲爲憐絕壑一枝春  
墨敷調增蓓蕾因風飄零顏愈真竟日霾藏氣逾倍油燾  
紛紛成素旄積鐵離離增練鎧均如側杯頰承露亂若鉅  
刀續翦綵雙龍挾軻擬欲上萬馬飛塵卒難浼高齋鍾磬  
日未暎徒倚橫斜眩銀海憶昔西湖極遊歷真與逋仙澆  
鬼磊後知色相端有空百念灰心付真宰峩峩茅君儼不  
死秦帝嘉平年首亥精思萬林元炁存眾卉羣芳羞皚皚

閉門緹襲坐蒲團長恐夜淡風雨改

廣信奚君靜能家鵝湖以太府掾出補南康簿予  
慕其仕止皆武夷先生講道之地敘言其異同幾  
於贅因成長句亦欲知夫先賢箴警非二途近世  
學者駸駸虛元則知武夷晚年持守之論非矯可  
不慎諸

鵝湖盡日鐘磬清不聞昔時絃誦聲愛君卜居在其側編  
簡插架猶談經當年羣公水蒼珮粲粲寒芒德星會投壺  
雅爭非世情餘子承風增毀背康廬招提無極篇希夷入  
道從茲傳百年脣吻互嘲鄙經緯妙密同先天兩地斯文  
實元氣宦遊家居總奇事稽古紛綸三萬言顏生屢空心



晏然

次韻王道士

王真人弟子其韻不雅馴姑答其意

潭潭古仙浮玉顏憫世壯志金城堅丹霞紫壁接霄漢過  
客弔古猶思賢王君碧瞳水蒼珮淡恨望諸書絕燕丘公  
蟬蛻七真化青史誰能繼二班

送馬季權之官平江州

碧梧丞相兄子

咸淳十載兵塵高漢江之水纔容舸眈眈太傅亂天絳櫂  
船兩翼鳴春濤中書蛛絲守空印片紙除書魚貫進相府  
門前青草淡破席疎簾雙白鬢扁舟疾走歸番江百城破  
竹爭迎降紛紛成敗付野史玩芳學臥唯軒窗往事淒迷  
踰四紀華屋空梁歸逝水洞庭木葉三閭愁淮南桂叢八

公死京城即今相邂逅傾蓋忘年總論舊潁州推官家譜  
傳岳陽樓頭水浮天

宋誠甫押送交趾使之武昌

飄飄蒼珮乘風來下視漢水如浮杯坡陀環堤舊亭障鐵  
笛穿石聲崔嵬武昌之魚不可食昔人作歌何寂歷隔江  
小城大如斗枉使邊軍暖鋒鏑古來相傳用武地今作薇  
垣鎮官吏猩血繁纓金齒來犀皮屬甲雕題至碧瓦門淡  
鼓角高羅庭椎髻聲嗷嘈銀囊蒲萄雲葉重錦氍毹撥風  
花驕淡知王臣有奇算蠻使低頭輸密款勸君莫登黃鶴  
樓勸君莫停鸚鵡洲黃鶴之人白雲杳鸚鵡之客蒼煙愁  
愛君手中青鏤筆能寫牙籤三萬帙迄今舊史難整齊屢



清容集卷七  
屈先皇詔頻出玉堂日正槐影長汗青之簡光熒煌請君  
直書亾國事還作觀風寰宇記

送濮陽陳景臯之官忻州

陳侯直氣摩青雲天馬脫駕羞駑羣毳袍昌言高坐聳餘  
子俛首卑塵氛揆囊奇策得要領炙轂妙語通氤氳京城  
久居閎冠蓋酒觴基局忘昏昕平生植竹嗜好古膏沐服  
食童顏醺往年濟陰試敏手桑柘戢戢春田耘政成烏府  
考上上擊鮮釀秫歸榆枌窮冬邂逅色骯髒近錫符竹州  
名忻自宜骨鯁任獻納或佐輦轂輸忠勤羣公歎息各賦  
詠跋馬操袂愁離分緬思河東舊雄鎮甲騎出塞宵踰汾  
卽今樓臺歌響集棗下纂纂紛紅裙愛君留中人物論發

礪破的無虛文蓋公之堂本清淨解帶臥治收奇勳此君  
相從匪朝夕晝簾煮茗看鑪熏

送湯道士降香武當山

紫衣山人眼如月朝捧天香辭鳳闕柳絲輕拂桃花驄屈  
曲層巒過俊鶻澗中黃銀如僕姑清淺閃爍隨菖蒲水流  
東南天轉北橐籥妙化誰爲圖沈沈元帝道淵默手握神  
機合無極密調六氣佐璇璣魑魅潛藏百神職暮春之初  
傳降靈閱世已久難稽評龍虎之章端莫測龜蛇之光杳  
無跡

過高郵湖

七十二湖春浪濃風刀翦霞跳玲瓏參差東柳皂纛重偃



首俟命朝珠宮淮南田父身龍鍾灼龜瀝酒占年豐舊秋  
積水挾豐隆長魚揚鬢蒲蕩中桑顛高下棲冥鴻黑禾生  
耳隨飛蓬瓢囊扶攜出城東至治天子達四聰詔書寬大  
蠲民農秀麥葦葦翠織茸赫日出海扶桑紅歲熟於酉年  
相逢擊壤鼓腹歌時雍展性美報湖神功

趙昌荷花

我家東湖三百頃瑞錦縱橫綠雲凝森森曉氣天香飛星  
斗光沈水花淨遠如嬰兒脫文綵近若胎仙臨玉鏡瓊杯  
欲側雨絲垂金掌初調露珠定盡將機心付鷗鷺小雨輕  
煙穿短艇京塵烏帽二十年夢入滄洲寄清興趙生畫意  
不畫格淺粉輕砂養真性韜精斂容羞自陳三沐無言月

華觀邇來馮於號能事老嫩風晴毫髮證元黃已辨神俊  
枯逐影之人道中病高堂視此青琉璃香色俱忘保清靜

京尹旌門

泰山之溜石可穿磨磚爲鏡不問年人生作事貴苦堅砥  
節厲行通蒼天武清之祠世所傳出門重趼神已憐五里  
一墩拜漸前寶鑑當曾起霏煙念我母疾醫難痊帝叱二  
豎沈諸淵秀眉鶴髮人中仙伯仲叔季舞蹠踈脩齡已盡  
銜苦冤烏傷柏慘羅墓田劉愷丁鴻孰爲賢煌煌神州風  
化先槐柳表道綽楔懸搢紳交喜聯序篇太史屬筆慙非  
椽

乘鸞吹簫圖



繆公荒淫亂天紀纍纍宮中四十子懷羸復作重耳妻  
匪盥相揮國淡恥娉婷弄玉誰復看參差窈窕能合歡築臺  
虛聲出天外詐言後夜同乘鸞人言神仙能不死橐泉之  
墳露遺址哀哀黃鳥飛復來良藥刀圭竟誰致高辛之女  
隨盤瓠漢愁匈奴遣公主一身能解百城圍鄙計咿嚶笑  
千古天台之事九荒唐劉郎阮郎歸洞房石橋雲淡樛木  
冑披圖相看儼同傳

雲岡圖爲王叔能作

白雲晃晃虛飄飄羣峰磊砢通危橋蒼髯側挂截地脈素  
練直下來山腰是中樓閣誰所居翠篁高拂寒光遙憑虛  
望遠意莫盡振衣獨立搏扶搖王侯出守山水郡逞懷盤

礪窮清寥一日不見輒憤憤臥遊想像歸生綃信知俗子  
謝不去濟勝有具難爲招

贈吳江宋尉

太湖三萬六千頃穰穰秋風政相竝吳船跳擲如飛梭鳧  
鴈參差白雲影連年田舍無炊煙吳船出沒平湖前縣官  
打衙入湖去弓刀夾棹魚升天元憲之孫爲少府岸幘看  
山揮玉塵飛蝗避境虎渡河吳船雖多奈我何

與相士王月屋

世途紛紛黑如漆暗中摸索端有術何人竊藥廣寒宮碧  
眼淋漓論得失聾頭之子藍且醜牙籌夜深鬼神守麟臺  
功次不論渠當道相逢須疾走



盧陵梁醫濟生堂

上池之水人莫識三揖東華借餘瀝瞳光透碧千里懸二  
豎蒼黃離社席南康昔有劉神醫鶴骨變化芝朮肥入門  
逆意望且走吾今見子同其機

次韻史允叟檜屏

蒼雲之根百歲植巧匠屈曲空揉蟠淨如翡翠立亭下矯  
若么鳳依闌干崢嶸要使頭角出鞭霆駕電超雲端扶春  
萬條豈不好猥瑣籬落迎霜殘君不見姚江參天兩雙檜  
至今風雨之夜猶清寒

越王尉餘姚嘗植雙檜於尉治

次韻蔣遠靜

蔣氏祖五代末與僧為友僧落魄乞食市中六七兒常負囊從之一日與

蔣浴江中視其背有目蔣驚異是日僧化去迺彌勒也雷布囊與別且云蔣氏子孫當代有進士

唾壺塵尾手持白眼對客客不知出門俗子多敗意三  
語之掾真吾師曉窗新沐綠陰淨碧雲奇峰生九疑隔隣  
書聲入幽耳茶甌散花酒浮蟻百年行樂在適意燕頰頭  
顱空萬里君不見燕山俠客多苦寒出門悲歌來日難  
同龕彌勒誰總持沙上偶坐忘所知布囊相傳陋七葉密  
記端是人天師愛君清言漱金石酒酣硬語輕丞疑亦知  
造物端戲耳一室尸居旋磨蟻東鄰花發西鄰歌咫尺相  
思隔千里陳郎之約不可寒我眠卿去人所難

廬江羊孝子兵難時兄弟三人與其母被掠為奴  
後廿年復得完聚郡表其閭

君不見觀津竇廣國傳舍沐頭淡記憶時來徒步入長安



握手相看淚如滴又不見杜羔孝感爲尙書兵前失母長  
歎歎一朝老嫗忽邂逅郎君玉貌猶吾夫淮源鐵騎排雲  
來戰骨積雪飛寒灰小兒纍纍繫馬尾鬼妾赤腳驅車迴  
黃塵漲空日將暮母子弟兄不知處只今總是太平民那  
識當年亂離苦人言缺月定有圓馬能生角石可穿亭亭  
高門拱槐柳更灑鴻筆傳青編

送潘元卿績溪邑諭

君不聞黃山種松法纍纍如珠苗如髮十年拱把百年梁  
華表相看化豎魄又不聞婺源之山高入雲黃流夜作河  
漢奔醜渠漩渦濟川具帖首萬折歸天門魯中之壁神所  
惜龍馬成圖帝爲錫韋編索隱年益耆此道誰言淡默得  
紫陽老人心曾高番髮執簡窮秋毫卽今羣經束高閣上  
擬混沌中唐堯拱手臯比立環堵哆口紛紛角門戶君看  
黃山之松婺源水師友根源政相似

次韻黃松瀑白廣信見寄

開元天子書石經雉頭焚卻邊字寧合宮宗祀廣致敬底  
用物馬登云亭林林碑臺刻新出嘉禧殿前稱第一小臣  
捧詔渡江南蠶尾渠眉耀晴日裝成分賜諸王宮餘墨淋  
漓遍孤棘古文僞出今文訛斷簡誰能究估畢黃仙盡日  
鉛槧忙語言冰雪容堂堂明時孝治邁千古願借鴻筆歌

陶唐

時奉旨刻  
八分孝經

題黃居寀蒼鷹擊雉圖



坡陀肅秋塵四起逆風雉飛疾如矢蒼鷹矯矯凌空來注  
目穿曾紅披靡山雌藏頭入荒篠回視其雄端一死元雲  
磨盪寒光浮側身番雲轉輪翅急如冠軍赴猛敵緩若計  
士藏淡智蜀山巍高翠周匝狹徑交衢不容駟黃生養之  
愛神俊勇氣縱橫怒盈皆想當落筆望平坂回首當關真  
劇戲君不聞箕裘可學端有傳諸孫射生養殘年黃筮養  
鷹學畫

鷹諸孫皆  
成獵師

送廬陵陳存道赴廣州教授

君不見端平崔相國竹杖角巾老辭蜀清名高節耀千古  
寒菊孤香出林谷又不見咸淳張狀元落落大對三千言  
流離抱忠葬魚腹要使名字傳遺編卽今聲教震南朔此

州文獻端磊落荔枝一色紅雲蒸菖蒲九節清溪明當年  
中州人物論風度曲江之公唐帝顧吳儂僮父互譏評坐  
使官曹異銓注吾聞八桂山峰如玉簪衣冠之氣連青雲  
穹龜負碑百神拱色羊跨乘羣仙尊翩翩陳子天都客萬  
舞充庭考金石笑觀滄海陋浮漚鵬飛暫作天池息

送毛道士降香嵩衡淮海

我所思兮在嵩嶽神清之洞何駭愕參差弄月秋氣高王  
子飄飄醉騎鶴少室山人蕙帳空君今駿馬凌春風山中  
齊聲呼萬歲我欲同君學蟬蛻

我所思兮在衡山重華玉珮聲珊珊芙蓉石床秋水冷木  
葉飛燈光耿耿軒轅道士人不識澗底拾薪鎔白石我欲



與君上九疑萬民樂康明聖時

我所思兮在桐柏寥寥帝鄉今莫識潛流倒注平淮成天  
塹會為萬人敵金龍護簡帝令森蜥蜴俛首穹龜沈我欲  
與君揆其底五兵長橐樂平世

我所思兮在南海鐵網珊瑚援手採沈沈雲氣方壺淡絳  
節神君似相待海中颺母方頑癡朱書短札能捕之此中  
奇觀通扶搖吾欲與君觀沃焦

贈番陽劉生振

我欲贈君珊瑚枝君言不如貽我雜組辭我欲贈君懸黎  
珠君言不如貽我盤盂書長衢飛塵日卓午觸暑東遊甬  
江滄日光陸離衝紙背徑上河源窮織女龍圖龜書杳無

跡弄丸冥搜矢穿的空林看天無底青虛室生雲十分白  
幽蘭叢淡不當戶盤露凝膏敵瓊醕泰山積澗石可消鐵  
硯花散晴乳林林白袍校詞藝鷓鴣淬鋒儼初礪身同  
蝶化入寥天欲伴飛仙更斫桂彤庭會弁開祥雲河日海  
口真天人昂昂胷中治安策慎勿謾與淡彌綸萬里之行  
生足下黃河層湍及奔馬參差柳色暗皇州龍榜高懸動  
朝野

句曲山迎真送真詞二章

往歲在翰苑嘗草三茅君制書近張伯雨道士

寄示陸魯望句曲山朝真辭二章蓋每歲大茅君  
十二月二日相傳緣天台歸茅山春三月十八日  
復歸魯望所製迺十二月而三月獨缺予不揆用  
韻以補後章緣字書即絳字古率字作纒呂道  
士過三茅因書以寄且為異日朝真之  
資伯雨詞氣清簡必以予言為應也



參差窈窕行雲急翠旌飄飄露華濕神君夷猶疑未來矯首精思各山立瑤臺章徹星斗冷碧扉丹透紅流影春雷迸壑人不知獨鶴眠松已先醒

右迎真

妙顏朝迴寶衣解乘龍高駝賦遶邁山中老人年送迎一酌寒泉過玉濯翠氣紛霏森孔蓋挾以流鈴光繚繚帝子高歌歸去來白月追雲送飛珮

右送真

龜蒙詩云九華磬答寒泉急十絕幡搖翠微濕司命旒旌未下來焚香抱簡疑神立殘星下照霓裳冷缺月纔分鶴輪影空洞靈章發一聲春來萬壑煙花醒紫雲鳳髻飄然解玉鉞元竿儼先邁朝真弟子悄無言再拜碧杯添沆漉火鈴跳躍龍毛蓋腦髮青靑

贈呂與之

碧窗獨對中秋月似怪腦華雪霜白瘦筇直上大茅峰長吟冥思啟元籥綠蘿丹騰紅欲走我欲拾之難在手嗇精超形朝紫宮下視塵寰等蒼狗

送瞿伯器還吳

輕鷗不受機心縛良馬端隨敏手馳鄞江井邑十萬竈簿領積几窮緇披瞿君坐曹談笑決長官驚誇里閭說豈惟煮茗挹清風復解停杯問明月澄江雪浪催歸舟洞簫聲咽行雲畱明時掄材在濟用佇看公府交章酬

竹素園

湘帙不作飛白體漆簡端徵殺青書哀哉瀛王兔園冊白



清容集卷七  
三十九  
比稷高今何如陳生歌聲夜漫漫手織雲錦餐琅玕丈夫  
書功夙有願篤節束帛光丘樊

松聲樓

層樓突兀觀芸芸萬籟沈寥天地分初如盤車出層巘宛  
若幽磬穿孤雲上方禪寂念不起但見白鶴來繽紛金鐘  
風篁儼相答有客掩耳元無聞

阮受益攜郭功父杏山詩來求題迺知爲名門所

作因次韻

葛翁迎曦侍東皇笑指梅根之陽岡手揮桃李植文杏春  
至古澗流紅香杏華飛時爛林谷錦繡爲天漫翠木卽今  
不識空陂龍猶指當年舊乘鹿紛紛機事危黃間彼艾之

植誰猗蘭青松迴風太古籟移居之老時回環兩曜跳丸  
今幾載阮氏隱居端儼在金章紫綬先譜承鴈塔龍門耳  
孫待翩翩俊翮海門山我欲挾之周九寰精思義皇粹六  
籍迄願閉戶窮鉛丹支辭濫說眩嫫母正色危坐當前顏  
神仙之說不可學月窟謹視環中環

送林以道歸栝蒼

書生作官端作勞撫拾歲月如聚毛行年六十甫墨綬又  
見納祿還林臯磻溪之翁誠有道采芝妙顏夸不老明時  
貪賢在壽俊未信吾徒竟衰槁君家周官擅彌綸經緯表  
裏通天人那能望塵拜太守振衣黑髮前旒陳松花霏霏  
散黃霧春盡還家美無度篝燈讀書目光曙承明之廬我



當行

題明皇擊梧圖

胡兒手持玉環侍君側  
睥睨阿環非一夕  
宮中秋葉奏清商  
笑擊孫枝工按抑  
嶧陽之材雲門曲  
能使薰風生眾綠  
如何促召羯鼓催  
鬧紫妖紅看不足  
馬嵬坡下催進程  
琅璫檀板悲霖鈴  
緬思康衢擊壤叟  
帶索行歌不知老

清容居士集卷第七

清容居士集卷第八

元 袁 桷 撰

歌行

吳船行

吳船團團如縮龜  
終歲浮家船不歸  
茅檐舊業已漂沒  
一去直北纜無飢  
清晨煮茶茶味惡  
薄暮熬壘壘力薄不憂  
江南雲氣多  
止畏淮南風雨作  
去年水淺畱金溝  
今年水淡上新州  
終朝但知行客苦  
盡歲不識離家愁  
大兒跳踉新九歲  
小兒學行篷作地  
維舟未解碇舟牢  
盡日彎篙仰天視  
吳人不解碇舟終日操篙  
船頭娶婦通姻譜  
知是淮南捕魚戶  
寄語鄉儂莫怨尤  
它年水淡爲汝憂



淮船行

淮船船薄薄如紙客行船頭怒如鬼布衫漆黑鶻雙拳避  
近相爭渾欲死船長不識丹腹巧卻識江雲似飛礮風來  
急鼓響蓼蓼轉艫爭篙復喧鬧淮東燒鹽白如玉我船輕  
行一萬斛淮陰米麥如京坻我船破浪帆如飛爲語吳儂  
莫相勝昔日汝輩同嬰兒蜿蜿淮山起晴翠船已辭鄉不  
相對轉篷它日望江南猶勝當年吹出塞

越船行

越船十丈青如螺小船一丈如飛梭平生不識飄泊苦旬  
日此地還經過三江潮來日初晚九堰雨慳河未滿當時  
卻解傍朱門醉眼看天話長短年來官府催發綱經月辛

苦鬢已霜布裘漫作解貂具入門意氣猶猖狂自古魚鮭  
厭明越明日今朝莫論說買魚沽酒不計錢被髮江頭傲  
明月勸君莫作越船婦一去家中有門戶沙上攤錢輸不  
歸卻向鄰船盪雙艫

清明行

東風吹柳鵝眼新家家清明忙殺人微雲細雨作春色輕  
車急馬團飛塵大墳崇臺藝花石新檜珠幢當戶植小墳  
纍纍俱土堆高下尊卑人莫識豚肩韭餅雜珍味水飯飄  
零多古意把杯直欲酌重泉頰首填膺下眞淚須臾無言  
各環坐折柳攀桃爭噉炙新愁已向眼前寬舊事翻疑夢  
中過行客徘徊亦畱勸薄暮狂歌下前坂悲歡盡日總春



風白髮年年不知換君不見江南卿相墓五鳳飛樓鎖煙  
霧諸郎錢癡恣歌舞不識當年出勤苦楊花飛盡猶不來  
空有啼鳥滿荒樹

河船行

黃河之船如切瓜黑金鋪釘水爬沙高桅不冒著船底四  
面綯索相交加輪困薪橐浮山來淮船爭避吳船開往回  
南北任衣食不學蕩子多嫌猜好風千帆亂流去我獨抱  
辛走行路從來宴安多後虞一失天公不相顧解凌已過  
桃花來黃河正月爲解凌水  
二三月爲桃花水泝流九曲揚飛埃不聞赤鯉  
上天但見魚鼈爭喧豕船前養驢豕同圈借力於驢共  
牽挽莫嫌我鞭太麤毒大勝江南人代畜

鞦韆詞二首

鞦韆高整垂楊樹紅綠周遭華表柱誰家女子惜餘春東  
擲西拋不停住不停住日將暮莫送飛花上天去雲間緩  
聽玉參差爲問乘鸞在何處

河外吹沙沙袞塵鞦韆架上望行人桃紅柳綠今如許卻  
背春風踏沙路踏沙路不歸去流鶯紫燕驚相語明日清  
明應未知回首江南夕陽暮

天祿硯滴歌

爲楓山  
參議作

君不見南陽宗資墓傍地刻石棱棱絕相似荒榛暗草風  
雨頑墨本摩挲了無意又不見光和玉堂銅作模爬沙引  
水如渴烏清流我輩不堪用空與乳臭供歡娛那似南唐



李中主玉軸牙籤日容與聚金爲寶化黃銀一寫形模足  
纖鉅口銜紫芝不敢茹微捲清波恣吞吐千年異質變眞  
態晝日書窗起煙霧慵軒老人金鑾仙筆底萬斛醜清泉  
坐令口吻不敢燥俛首效用誇無前麒麟瑞世那可已獬  
豸觸邪誰願憐要知此意政相類可與石鼎同烹煎憶昔  
漢家劉生滯空閣青藜一星隕飛魄彼將辛苦了殘年猶  
勝時人譏寂寞江南病子塵滿骨萬事無言成鵲突願求  
一滴洗餘昏卻怪王公無長物

新安芍藥歌

送胡伯恭  
之婺源

洛陽花枝如美人點點不受塵土嗔輕朱淡白鑄顏色高  
亞綠樹爭精神那如新安紅芍藥透日千層光閃爍碧雲

迸出紫琉璃風動霓裳凝綽約我聞種花如種玉盡日陰  
晴看不足微雲澹蕩增寵光細雨輕濛賜湯沐何人看花  
不解理香雪紛綸手中毀酒酣跌踢空低昂得意須臾竟  
如此翩翩驪駿雲中君愛花直欲畱青春青春如流欲歸  
去明年看花君合住

天瓢歌

天瓢之液如黍珠緹以十襲拱萬夫帝青寥寥誰可土回  
風扇空揚焦枯何人夜坐守瑰室九關清嚴集虛一河車  
歷錄雲迴環帝鼓奔騰山鬼泣中有一老翁絳旂朱幘鞭  
飛龍手持赤字書直入元冥宮取瓢上天去羲和側馭追  
豐隆人言此瓢不易倒瞬息人間成浩漾聊將戲劇轉清



涼玉散珠跳爲渠好積神爲寶寶乃成語默變詭通仙靈  
丹臺紫府杳無跡丁公壬女徒多名張侯之妙不可詰見  
月入水月豈濕解衣倚樹寒滿襟遠視銀河暝如漆

晉寧丁節婦歌

明月何團團不照孤飛鸞妾心無虧盈畱作白頭看堂前  
青桐樹慈烏旋繞來無數朝引三兩雛返哺日落聲嗚嗚  
誰人挾彈闖我烏守樹長泣眼爲枯人生莫作陌上花東  
風飄蕩隨泥沙望夫之石何亭亭不如長衫立素屏流梭  
夜織燈青熒黃姑側聽中屏營天帝與植雙桓楹木盤可  
鑽河可塞千年苦心誰復識

哀牢夷

送張子元  
僉事雲南

哀牢夷蒼山疊翠雲無梯洱河西傾去無底晴日倒射紅  
琉璃相傳沈木兒背坐曾遨嬉築城蜿蜒似龍尾千古髯  
君乃其始縛繩駕長橋皮船中蕩搖危巔石樓高百尺子  
孫生長今漁樵空林明月手可拾仰飲飛流鬚髮濕寒藤  
冒徑側足行飢猿兒啼鼠人立慘淡虛無間鳥道開人寰  
峨眉東望止一髮參旗玉井閃閃上下隨躋攀君不聞木  
皮岡前九折坂客行胡爲車欲返又不聞青溪關上三碛  
城纍纍戰骨耕未平輕家許國要有道矍鑠是翁誇不老  
張公子當有行繡衣青春照瓊英笑跨紫燕辭天京朝餐  
五粒之松子暮食側生紅入齒從來蠻客尊漢官但飲叵  
何端有理南飛鴈足何憧憧不能與日隨西東相思望君



日西下去天一握疑有雲氣時相通

安南行

送李景山  
侍郎出使

輶軒使者安南來紫泥封詔行風雷濕雲翻空海波立鐵  
網山裂狂蛟摧神京煌煌鎮無極火鼠燭龍窮髮北彈丸  
之地何足論蚯蚓爲城霧爲域瘴江如墨黃茅昏羣蠻渡  
江江水渾千年白雪不到地十月青梅猶滿村赤腳搖脣  
矜捷鬪竹箭藏蛇雜猿狖崛強曾誇井底蛙低徊自比泥  
中獸龍飛天子元年春萬邦執璧脩臣鄰朱干玉戚廣庭  
舞笑問銅柱今何人君不聞重譯之人越裳氏有道周王  
輸白雉又不聞防風之骨能專車神禹震怒行天誅李侯  
桓桓水蒼珮舌本懸河四方對後車竝載朝未央稽顙九

拜乞取金印歸炎荒

次韻黃可玉古墨行

寶刀曉割千歲松神膏磨盪長檠工明窗飛塵散紈粉七  
劑直與黃金同澄心欠伸初睡起綺疏碧芽烹火龍金星  
濡毫試輕重雪跡點點畱羈鴻嘗聞老奚對膠法經月下  
擲清池中蟄如寒蛟纏鐵柱霹靂光紅與神遇晴暉淡蕩  
浮雲陰咫尺鍾山隔朝暮潘郎再拜口流涎手揣不敢汗  
其瓊睿思殘珪密封識舉世那得窺完全絕憐江南文治  
極清賞沈著忌籌邊玉清峩峩墨卿泣此寶脫矧今無傳  
星灣寒泉白雲宅中有舊物懷杯圈銅魚飛符不易合金  
釵畱股那有緣撐腸拄腹貴善用知白始解紈中紈暮年



長物等嚼蠟借此寓意哦詩篇鄭公諸孫保遺笏滌志龜  
勉窮韋編慎勿小智窺寥天嗚呼李生之墨三百有幾年  
不如陳郎墨守行千年

李宮人琵琶行

先皇金輿時駐蹕李氏琵琶稱第一素指推卻春風淡行  
雲停空駐晴日居庸舊流水浩浩湯湯亂人耳龍岡古松  
聲寂寂歷歷不足聽天鵝夜度孤鴈響露鶴月喚哀猿驚  
鷓絃水晶絲龍柱珊瑚枝願上千萬壽復言長相思廣寒  
殿冷芙蕖秋簇金鷗袍香不畱望瀛風翻浪波急興聖宮  
前斂容立花枝羞啼蝶旋舞別調分明如欲語憶昔從駕  
三十年宮壺法錦紅茸氎駝峰馬漣不知數前部聲催檀

板傳長樂晝濃雲五色侍宴那嫌頭漸白禁柳慈烏飛復  
翾爲言返哺明當還朝進霞觴辭輦道母子相對猶朱顏  
君不聞出塞明妃恨難贖請君換譜迴鄉曲

渝州老人歌

新城彭大雅築

渝州太守築城瞰江堅且牢月挂斗柄山鬼號州民纍纍  
下江去蜀水入漢纔容舸渝州何噉嘈攀緣翠木參井高  
不愁灑瀨作人鮓但願浙米雲安去如馬憶昔彭太守晚  
得一州大如斗征西將軍華表柱白鶴不來猿狖守小兒  
舞榭紅離離大兒挽車上棧遲渴飲古澗之層冰暮宿古  
松之危枝渝江之水人馬瞬息渡排石列柵猶支持年年  
草青記新歷不識烽火平安是何夕赫日涌紅輪金雞飛



報渝州民空梁燕回候歸語小牆花發舒啼痕渝州老人  
面如漆家住金陵年七十含辛老入巴江路猶記墳前白  
楊樹前岡甕崩流後岡蚓成丘社翁相詢傳父祖里婦驚  
猜訝吳語澆酒酹墳封四尺程氏之墳從此識君不聞武  
擔之山五丁土歲歲春風啼杜宇

大雨醉歌

寄王待制

海風吹天黑嵯峨九衢積溜分江沱壞墻羣蟻上枯木方  
池遊鯉跳鳴荷似聞南鄰王學士閉門把卷工吟哦高張  
障泥倦行水垂簾倚枕遊槐柯北鄰老生病無力玩易忘  
象窮羲媧垂楊洗洗翠旄舞幽葵湛湛朱顏酖憶昨祠宮  
醮雷所被髮繞甕揮且訶縛芟搏泥肖龍狗喫酒噴霧刑

牲鵝寸雲在手不受令挾以風伯飛塵劇虛皇神功絕聲  
色髯羊帖首辭巖阿君不聞夸父逐日死飲河愚公避影  
跡愈多曹相畫一日叵何草廬高臥梁父歌板築飛詔起  
雲蘿百年兩曜如擲梭志士惜日鬢益皤會須淡泥絕行  
道免使襍穢之士肩足相累摩

龍尾歌

送文子方著作調官雲南

朝辭龍尾道暮往龍尾城七尺遊龍當道鳴春雪未解四  
蹄輕憶昔哀牢夷來漢賓蘭倉夜渡歌苦辛皮船之浪墨  
雲沈沈繩橋之雨青泥淫淫登山採桐皮側見五粒松手  
攀欲入口疑是沈木背坐慘澹悲回風鳥飛不能住哀猿  
忽相逢旁有僮耳翁爲言太古之遺蹤諸葛丞相韋郡王



清容集卷八  
村村列祠堂瓢笙銅鼓羣巫舞牛殺蘭藉羞瓊漿六詔之  
王無歷紀唐帝傾師邊將死建隆天子不用武玉斧手畫  
大渡河兩股蠻酋易馬來黎雅恣言茶錦不當價神武皇  
帝開聖元雍獮窟穴張王官篋篋歲入長安道賈客辭家  
不知老文著作聽我辭去天萬里夷民疲織罽瀝猩血煎  
金鑄裏蹠夜行碣門夷疾追平明出關面如泥卻來京師  
望塵拜族金毳袍向市賣文著作今典雲南之選部目光  
透牘提筆署翦彼荆棘薰蘭當戶西南之人手加額太史  
重脩考功格

月海歌

水國紅葉下萬山白嵯峨扶胥無垠接天際望舒力挽沈

金波人言老蟾那有光爲借三足之烏起熒煌烏已入地  
蟾在天此說詎得然或言大塊蓬蓬氣爲主浮空五色神  
后輔顧菟在腹不得吐下入八瀛金碧聚貝宮樓臺珠結  
戶穹龜前驅老蛟舞千人之目皆在水各持一月得歡喜  
夜闌斗轉銀河傾變滅消沈去無趾

敬亭歌

送鄭子寔  
遊敬亭

棗實纂纂羅衣單抱琴背日隨鴈還今年六月居庸關馬  
蹴石子流彈丸曉渡灤河水水渾不見底中有三尺鯉素  
書不成字似疑戒我慎出入五侯之鯖過客止羹覆手爛  
將奈何仰視流光去如矢行路大難歸樵空山或言山有  
虎豹嶺有榛菅歸漁于河河有蛟鼉去將隨波舊家坂渠



溝已塞錢塘煙蕪歸不得敬亭白雲何離離二仙霞衣坐  
翠微手持紫玉簫和以丹桂辭大言泠泠小言纍纍勸子  
勿爲道途苦幽蘭溪谷不當戶空青滿巖玉流乳手繪朝  
元之圖萬神舞

秋江釣月圖歌

南山舞空趨朔鸞北山人立如啼猿長流東來貫其腹謂  
是浙水屈曲萬丈之上源大魚奔騰鱗鬣焦小魚委靡隨  
江潮中有白玉蟾落落五采凝不消人言此蟾在天主陰  
魄淪沒何爲水中宅籊籊千尺綸蟾永不受吞廣寒高居  
凌紫清日逐烏御不得停愛此江水碧倒空浴影潛金精  
感君纏綿如有素瞬息還須上天去君不聞任公子東海

投竿非小智又不聞嚴先生羊裘古瀨成高名君家慈母  
占畢通百尺樓觀端可居黃金之鈎不復理明月年年在

秋水

二老歌

王景先省郎幼孤祖母及  
其母鞠之今迎養京師

烏啼風滿窗機鳴月當房辛勤三十年護此玉雪郎大母  
呼孫牀下讀阿嬭烹雞炊黍熟黍熟不敢嘗命兒奉姑旁  
姑言春在長安枝東風滿林溪折之一折不得語再折春  
無膺白雲何相隨下馬忽在戶驅馬還家上堂拜婦姑繡  
衫錦爲帶長安之花果如斗不辭看花飲春酒

三馬歌

東坡三  
馬贊本

羌水渾蜂解屯瑞至人率獸尊參以陳仰天門龍爲鱗炳



虎文髯悍獍效伏馴鑾鏘鏘馳道遵帝乘虬相攀雲逝無  
畱返崐崙

廬陵劉老人百一歌

昔聞寧皇嘉定時平淮如掌糧如坻襄陽高屯十萬卒武  
昌金埒饒軍資西蜀環山堆錦繡滔滔南紀喉襟首峨眉  
積雪不動塵玉壘浮雲古今宙當年行都號全盛翠箔珠  
簾爭鬪勝西湖不識烽臺愁北關已絕強鄰聘寶慶天子  
來自外邸朝諸侯土疆日窄邊庭憂大帥偃蹇藩鎮伴小  
壘椎剝租癩稠春城絃管暗煙雨四十一年變滅同浮漚  
咸淳太阿已倒持銅山之賊專宮帷樓危金谷山鬼泣舸  
走白浪江神悲老人年周一甲子至元大帝車書合文軌

每話承平如夢中萬事東風過馬耳只今行歲一百一坐  
閱天地同昨日秭歸聲苦紅葉翻邯鄲睡熟黃梁失門前  
手種青桐百尺長笑指截取諧宮商少君荒唐方朔誕不  
如老人親見溪谷爲高岸我孫之孫爲元孫翔鸞峙鵠高  
下飛集駢清門憑公欲補先朝事濡毫更作長生記

月鑑歌

騰騰玉兔光爬沙人言受日爲精華又言蟾蜍老不死側  
身躍入廣寒裏信知七寶合無跡借取山河成戲劇眾人  
望月見盈虧君今以月爲準式我聞初生時纍纍星爛不  
敢隨亦如男子墮地在文綵獨抱靜性無邪欹亭亭三五  
超象緯雲從于龍魚有水君臣得志何慷慨千古消沈竟



相似須臾寒光海中匿山鬼悲吟虎狼藉華亭聽鶴流年  
空北海牧羊溪雪積我觀帝城之月如玉輪團團的的無  
纖塵中有隱默士範月爲鑑驚都人大言穿楊葉小言貫  
蟻肝太虛氤氳眇窮髮引酒高坐歌闌干

玉署鼇峰歌

答伯庸

女媧五色餘刀圭化爲蓬萊東海之虹蜺神君方瞳怒凝  
睇不如百鍊積鐵永從西方奎日有三足烏其光映顧菟  
海有三足鼇神山簸靈濤吐吞出沒無定時一叱使之來  
玉墀大承虛皇小挾銀漢黼黻帝裳追琢廟瓚森嚴鼉鼉  
鎮帝署百鬼卻走不敢侮其或敢侮怒絕其緒粲若珊瑚  
枝煜煜三秀姿文理密察儼素樸孚尹旁達藏元機我昔

坐其側耳冷心彷徨經旬臥向壁夜夢天孫手授雲錦交  
龍章漆書誥盤傳古昔中有寶珠杳無跡散之六合捲如  
席視之不見聽以息元氣氤氳龍馬興文茲石點首詔爾  
小臣慶非煙霧出如絲綸矢心濡筆靡有斲萬古作式永  
無極

秋風歌

答子貞

七月霜清鴈南起美人亭亭望秋水鼇峰石畔金蓮彫襪  
被中庭候行止至治丞相歌堯民矢心前榻詞如雲平原  
黃低翠交舞寶檣肅肅方調辛巍峩虛皇傳令速萬姓樂  
康眞景福使臣覘言黍未熟八十一車馬停足

東門行



神皇揮戈度黑河四廂捧日肩相摩金袍珠縈帽七寶剖  
符帶礪功難磨年年舞馬魚麗列宴罷玉帳經南坡嚴更  
傳警夜氣肅貔貅千列環象馳華蓋西傾星散雪殿前蘭  
膏猶未滅千金七首肘腋生拉脅摧胷慘凝血平明羣兇  
坐周廬傳旨東西騎交迭棄馬之邦身被繫執簡以朝筆  
猶舌煌煌厚恩浹肌髓悲淚填胷痛天裂金繒盈車內府  
竭虎視眈眈終一啣

廬陵海月道人歌

飄飄白玉丸空明歷落行雲端世人不信之謂是太古圓  
缺相循環吾欲與子窮端倪一葦巨浸無東西金精貫珠  
宮倒影流銀泥飢蟾飲水不入吻五色吞吐成虹蜺迺知  
山嶽積培塿巧遮世目如以手茫茫水空輪載地行無垠  
置身浩蕩外光景常如新吳剛持斧不得休沃焦日夜無  
停流紛紛榮辱可奈何仰天一笑君當歌

聯句

東湖

舊學蕪三史新居隘一廛煎熬魚煦轍奔竄鳥驚茲擬整  
登山屐伯長須乘破浪船出關塵已遠德平過埭意爭先歸舶  
攢桅聚伯長浮梁斷鎖懸潮渾江葑沒德平塍破岸藤纏戍柵  
依樟密伯長官堤砌石平機閒蜚喚織德平砧響鴈傳箋乍靜  
喧煩耳伯長猶欣輾轉眠鵲橋華屋廢德平鵝匯曲河連稻實  
閒農具伯長巖巖絕竈煙急裝紅蔽膝德平辯髮黑垂肩估客



編文具長伯村家緯木棉生涯疲剝割平德世路窘迫遭龕室

休行客長伯郵亭歎逝川講鷹圍獵罷平德聯騎縱遊旋路轉

分支港長伯川明幻別天鄧城花已暗平德甬水恨空傳數埃

搜唐刻長伯題詩紀宋編會堂夫子像平德汲井隱居泉海眼

藏龍窟長伯山心射鹿田水鳴知棹急平德岸走訝途遷隱見

崗巒近長伯低昂橘柚鮮青山猶五里平德綠樹已千年歸嶺

鄭雲擁長伯閒花似火然苧裳遊女淨平德蘆管野伶妍繫纜

披團氅長伯循溪捨竹篔簹香幽菊傲平德土薄假山偏燈火

精廬古長伯衣冠故物全登門論子姓平德對坐敘姻聯金魄

篩窗影長伯丹砂養井淵螢飛光熠熠平德鶴唳翼涓涓斗室

橫烏几長伯方床藉素氈魂清時入夢平德意得竟忘筌過墓

成局戶長伯遵湖復扣舷滄州迷秀麥平德真隱拱朱椽碧洞

諸天杏長伯蒼珉帝畫鐫梯危頻縮武平德像寂且擎拳紫府

商霖歇長伯丹書漢澤宣銅鋪苔暗蝕平德經皮燕新穿倦鳥

辭枯柳長伯遊龜戴旱蓮古奩開激灑平德斜穀縐漪漣淤塞

菱排劍長伯洲乾蓼糝鈿官徵都尉粟平德漁納水衡錢王絕

山靈泣長伯祠荒野老憐紙旗鄰社鬧平德草广曲河填此去

真聊爾長伯斯行信偶然柏幽藏魍魎平德潭黑衮蜿蜒雅興

呦呦鹿長伯勞生跼跼鳶攬芳真啗蔗平德寫絕擬和鉛轍跡

蕪菁翳長伯麻綦臬耳緣貞娥鬱龍虎平德胄相紹貂蟬宰木

分神隧長伯思亭列石筵風霜翁仲老平德香火釋迦專楚些

招歸魄長伯王官慨昔賢拜峰誰控勒平德篆水自書元屈曲



東西路

長伯

縱橫南北阡繁華眸轉電

平德

得失口垂涎絮酒

悲宗老

長伯

囊經想地仙房温連梵唄

平德

市近接腥膻破露

生衣溼

長伯

登坡弱足胼臥牛遺扁暗

平德

眠鹿繪容虔金利

從茲訪

長伯

塵纓合少蠲伐山靈運躁

平德

衝雪子猷顛檜暖

蜂偷蜜

長伯

蘆寒鳥啄綿蟹稀螯數百

平德

樵夥斧論干淡日

收人影

長伯

空嵐漲土埏蒲葵遮望眼

平德

繭紙論吟篇除道

家僮懶

長伯

偷程地主僂蟻封徒曲折

平德

駒隙漫拘攣碎石

行行直

長伯

脩篁个个圓淡蕞驚雉翠

平德

夾徑聳楠榭濯錦

芙蓉艷

長伯

飄香桂子駢雕楹回複道

平德

斜閣布陶磚刻畫

功難盡

長伯

翬飛勢欲翩奉常陳劔履

平德

尚服錫紘縑憶織

鮫人網

長伯

帷凝罽國旃妖姝汗粉頰

平德

土偶聳高顛祛石

當時力

長伯

臨淵昔日權只今畱黑業

平德

何處覓幽禪燕頤

風雲會

長伯

龜跌日月纏蛛窠緣袞服

平德

鼠跡上朱籩累僕

供朝沃

長伯

因僧進午餐佳城蹲五鳳

平德

素業廢三鱣勝已

窮蘭若

長伯

名猶慕偃佗臺空霞珮冷

平德

殿寂羽幢薦觀主

何年住

長伯

真宮永世鍵畫梁誰復葺

平德

美蔭久頻脫木已

非真李

長伯

僧宜賤壽錢悲來雲冪冪

平德

恨極水潺潺重嶺

藏椒屋

長伯

斜暉指蕙櫨暫歸心未穩

平德

欲去眼空眩憶昔

窮誅闕

長伯

如今猛棄捐慈山名轉赫

平德

困塙恥誰湔積翠

林霏悄

長伯

流波海月娟遠鐘催宿鳥

平德

橫笛掛烏犍拄笏

風騷負

長伯

攜壺主僕牽情懷同黍醴

平德

臭味比香荃圓澤

休論舊

長伯

華胥復記前乳彪號澗側

平德

哀狖獻雲巔惇族



盤飧盛

伯長

通家笑語闐鳩歸漿熟

平德

舴艋逆風沿濟勝

應難促

伯長

臨流且賦遄鳴夷歌逝矣

平德

漁父卜終焉紫槿

遮籬角

伯長

丹楓壓廟堧鍊形金骨化

平德

團礎土砂堅破屋

啼山鬼

伯長

荒碑立老鷓歲時羞野賽

平德

水旱禱靈筭西帝

澄金字

伯長

東湖鑄玉璫涼颿舟泛泛

平德

晴日草芊芊射鴨

縈長弋

伯長

義魚擊短鋌酒廬橫矮甕

平德

屠几斫肥牲街市

僧袍麗

伯長

招虛販鼓齎登臨難婉戀

平德

想像費平銓更欲

南窺海

伯長

誰能北跨燕同心雙繭緒

平德

徇俗走珠蟻朗鑿

詞聯寫

伯長

元談茗更煎翱翔放浪

平德

匍匐類狂孱已乏

凌雲句

伯長

時思縮項鱸還家如夢寐

平德

共點曉霞邊

九月望日送姊歸余氏先瑩之廬登其高祖少師墓相傳謂外高祖忠定王所相余氏之興兆於此支壟

為尚書公墓亦為佳兆十六日早發遵山行一二里拜外舅之考待制公守墓僧畏祇迎閉關叩之終無人聲山勢左行清與未已借余庵舟過東湖上外曾祖忠宣公滄洲堂故基悽惋久之舟上球子與德平登至月波忠定王所建寺後有洞像補陀示相捨舟鹿野拜正肅公祠奠永州几筵行久殊為疲勞是夕德平抱兒相示眉宇脩廣子許以永大十七日非明過種德拜正肅公墓讀楊文公碑庵僧酒然非鄭氏庵比是日德平攜壺同庵僧指領遊大慈七山有僧年七十餘能道嘉定紹定間事示忠宣公所製滄洲堂上梁文益重遠想拜忠獻王墓歸復宿鹿野嚴君命以十八日歸遊鮑王祠日已昃余親翁病瘵復畱宿詩成凡一歸遊鮑王祠日已昃余親翁病瘵雖不工然二人綴緝之勤有不可示於好遊者用識于後云己丑十月某日梅書

遠遊

海鵬跨南雲一去挾浩蕩宛駒踏北雪絕足追罔象宵征  
車載脂伯明發燈在幌行邁念悄悄離愁懷養養違吳始



接浙平德過越類指掌虹綢結遐思羯鼓促新響觴至不復

辭伯長駕逸誰能仿明堂企棟梁武庫輸篠簜氣合芝蘭芬

平德學媿蓬麻長大施朱苙清小薦金莖沉雲間鶴孤唳伯長

天外鴻橫上曉舫斷層冰午店憩平壤追攀瞰煙濤平德

厯走塵鞅長淮橋蟠螭薄霧裘驪驥風臺牛一鳴日觀雞

三唱團桑沃如蓋伯長宿草亂若襁青帘客沽酒素鬣漁收

網心歡沂泗流眼豁恆岱爽追程騎侵星勸耕農植杖俗

厚喜豐登平德氣俠存慨慷伊河既東流維斗復北仰誰云

風土殊殆覺宇宙廣骨聳終超騰神清何懍恍鈞天夢非

真伯長廣寒步空想銖衣入閭闔芥粒視北垧千官紫府榮

九奏彤庭袒摛文翦金炬平德展采簇天仗清都踰咫尺弱

水漫方丈絳旂雲霧開寶扇日月晃仁聲被八表伯長德意

蘇羣枉泥檢極封崇芬苾巖肸蠶瑞氣藹重重泰階瞻兩

兩馳峰出天廚裏蹠錫中帑鳴珂接俊彥平德正笏嫉偏黨

德人笑採芝逋客棄拾椽茅拔要有方矢來本無嚮湘纍

但瑰詞伯長越相僅金像遭讒氣徒憤得計身何往豈如及

承平相與窮昭朗君行步飄飄我滯心悒悒輕霜著衣帽

微霰點草莽離歌起蒹葭平德古製出盆盎先登匪十獲後

至激孤獎城南燈火淡塞北音書睽東風漸披拂臘水初

滉瀆詩成愈加險酒盡未為彊雙眸秋水烟累語春波盪

經行度崎危伯長交友希侷儻羈遊棄楚荒遠客憐齊僮光

陰尺璧重事業千金賞平德行還鴈塔題復覩鴻都榜時來



戒步窘事至勿技癢脂韋本凡近鐵石乃忠讜詞林納疵  
美書田課荒穰列仙會儒癯羣仕趨吏駟陸生彊咿嘸陶  
令終翫麟貞心百壬避正色上帝享徒為捧心施莫學畫  
眉做功名要無心造物端有相行行遂初志作事記疇曩

望洞庭山

海嶽雄前武乾坤入壯懷地臨區澤左平德洞接蜀山涯元  
甲呈神禹長伯靈鼇琢女媧岫橫青一髮平德水引玉三义鴈  
翅連雲暝長伯雞聲帶雨啾輕煙滋土脈平德激霧潤蔬菱橘  
熟金分顆長伯鱸肥玉饌鮭稻田碁布局平德草舍篆書齋塔  
正狂瀾轉長伯圩增古岸差畫船誰白傅平德香徑獨吳娃伏  
翼疑銀乳長伯游鳧訝翠鞵苑存麋鹿過平德石老鬼神靈野

火分星位

長伯

剛風直帝街浪高驚接漢

平德

天闊欲吞淮鐘

遠春聲隔

長伯

歌長艣韻諧靜依村社樸

平德

閒厭市塵哇往

事滄浪古

長伯

輕裘笠澤佳鳴夷奇策遠

平德

季子宿情乖鈿

壁銷朱戶

長伯

香風墮綠槐臥遊包景象

平德

目送樂形骸尙

憶禾生蟻

長伯

誰憐竈產鼃江湖終漫浪

平德

歲月敢安排語

盡情如客

長伯

杯淡醉近俳黑頭宜紫闥

平德

白眼笑青綈門

掩雲生室

長伯

庭虛葉響階墨花浮鴈字

平德

燈粟綴蟲釵急

吹鳴笙籟

長伯

同雲屑豆稽行行從此地

平德

去去勉吾儕轡

聳玉良御

長伯

帆凌博望查會須攀絕境岸幘訪丹崖

秋雪

長伯九月十四日

白帝欲返馭

元神已先驅南山黯遐睇西館阻清飲刻雲



環珮雜翦水瓊瑰敷金英受剛絜丹桂遭模塗高標變鬢  
髮爽氣通微軀羣陰孤陽債積素五采腴路脩天鵝疑穴  
覆野兔呼蟬猶抱殘槐鴈仍驚折蘆滉漭露莖溜空清冰  
柱酥或云勢已盡又言理非殊先時明堂嚴薄刑辱收誅  
浮華敵春斯斂實侔冬輸慘立各動色沈思儼徐趨鴻鈞  
轉橐籥緹室潛葭苧觀物昧休徵永歌啟貞符

又九月十五日作  
德平伯長繼學

金神縮兌澤水妃表元英西郊散冰粟北戶垂株楸三登  
發重瑞六莖凌孤清白藏縞衣舞顛氣霓裳呈楚客迷望  
眼羌戎候軍聲桂粉靈杵飛穀精露囊盛降霜鄒子憤停  
日陽侯爭澄霄鶴失頂空江鷺搖睛菊貞返素朴木落超

空明鏗鏘商籟諧大小藍璞成蒼花賸壟畝梅藥光檐楹  
初疑蚊蚋集漸覺鵝鶴迎漢盤結夜濯韓堂滅宵繁陽和  
趣報社嚴凝儼書正掩袂青女避沾巾素靈驚擊鷹眩莽  
蒼樹羽登崢嶸長楊散旃屋五纛增門閤絮團柳殘葉鹽  
裹荷畱莖鉛飄孀娥匣旄落少昊旌井梧炫銀牀庭櫻轉  
珠纓萬入西帝遊六變坤母寧初驚遽然至忽訝乃爾輕  
單衣亟搗素黃裳倏飄瓊陶姬卻帳暖唐皇咽簫橫昊天  
有正命殺氣何橫行沈沈宸居肅兩兩台階平朔吹偶先  
集澤雷久藏鳴碩果理固在飛葭澹無營

槍竿嶺 伯生伯  
長伯庸

有嶺名槍竿其上若棧閣白雲亂石齒青峯轉帘腳積冰



太古陰出礦無底壑馬飲沆瀣泉鷹盪扶搖幕轍跡委垂  
紳人聲發虛橐烏飛接鳥背羽沒疑虎鞞霧松秋髮長霜  
果春頰薄升樵不知疲獨往端有愕兢兢矛頭浙扞扞井  
口索凝睇見日觀引手探月廓南下眇塵海北廣絡沙漠  
金橋羣仙迎玉幢百神鑿禽鳴蜀帝魂鐵鑄石郎錯鈎鈐  
挂闌干攙搶斂鋒鏑屬車建前旄馳道徇嚴柝載筆三人  
行弭節半途卻

送曾編修

伯長  
繼學

奇鶴慕南雲俊鶻欣北雪行藏龜左顧去住坂九折纂書  
墨兵從擬制銅史挈佩委松籟回冠峩星光徹塼花窺日  
輪井藻旋風鐵歸思紅葉高家憂紫荆裂晨裝發五兩夕

祖謝駟馱沙明石痕瘦川遠梳影列吳歌導鷗舞楚製慘  
鶉結汀葭青女臨岸橘黃人揭組練危瀑懸簫磬古灘咽  
詩箋江神矧目送山君別烟烟雁集洲挺挺鶴鳴垤賈駟  
魚貫直僧屐鷺飛滅前坡指迎帽舊墓拜表碣明知紹世  
譜詎可逐宦轍兒孤文襁昏女乳粉鈿湮淡思振鶴原後  
允超鳳穴過都塊非歷去魯浙豈接歌驪念睽違瞻蟾數  
盈缺

李成古木

層陰舞<sub>元</sub>蛟積溜落銀繭迸空太古枝<sub>伯長</sub>側石千歲蘚寒  
柯紐交樛霜枿釋餘泣<sub>繼學</sub>俯憐巖壑幽仰矚雲霞淺雄姿  
虎當嶠鍛翮鶴立巘長身屈迴紋曲蓋表繆篆矯矯卻岱



封昂昂陋桐翦初疑居移鄙漸覺坐閱鮮靈光魯國歸屈  
軼虞廷彥蔽牛我當容化羊君莫辨山靈養洮沐窗霧勤  
澡鬚直非龍髯觸勢若鹿角偃瀟騷閱馳騰愴集微霰  
元黃馬師遺丹青犧尊覩采苓乃夷猶臥雪何輾轉

清容居士集卷第八

清容居士集卷第九

向來山土意無語  
元稹袁管桷  
誤

律詩 五言

次韻善之雜興七首

習隱漸成癖苔光綠映扉避名常好好絕俗任非非日落  
長鏡柄天寒白苧衣南鵬五月息戢翼笑羣飛  
萬事不滿笑書林盡歲娛未須夸得意底用哭窮途細雨  
看移竹秋風學鱸鱸百年真急景醉入壁間壺  
昔日登臨地狂歌祇自求漢宮空有恨吳女不知愁雲葉  
寒沙霽江花古岸秋何人持鐵板敲徹舊邊樓

學道常無寐披衣聽曉笳精勤慕柏大詭刁笑爨巴丹熟



抽金永窗明鍊玉沙微陽端有候一點應吹葭

善之近學參同契故

戲及之

臥遊元不惡佳處絕榮枯雲憶東西寺山看大小孤行年須白社失意付黃墟何事遼東鶴空悲景物殊

鄧子清如竹蕭蕭澹世情下帷鄰草色倚杖愛松聲嗜癖成書賈身窮付筆耕乘槎空有約何日海邊城

書聲連古巷疑是白雲廬吟苦眠料理塵淡靜破除詞華輕大厯風雅近黃初顧我相知舊艱難愧不如

月黑

月黑斗杓轉昏昏古柳壕干振寒戍響宰堵亂烏號風定歸潮急門淡落葉高向來江上意無語獨蕭騷

次韻題林隱

山林元未如谷洞幽且深

移家鄰縣去住久不知年花擁檐前樹泉歸澗下田丹芽承露浴石乳拾松煎擬欲題新竹才疎愧惠連

次韻上官伯圭夜坐觀梅二首

愛酒嫌劇飲天寒但欲眠烏啼千樹外雁過一燈前霜角悲涼調風幡自在禪平生江海意袖手送殘年

江梅元楚楚冰雪總相宜何佐金樽舞寧辭玉笛吹天心元自正地脈本無私不盡關山意巡檐與賦詩

題柯自牧救荒記

曾聞於越地千里草青青比屋呼庚癸連年厄丙丁已傳青社記不用峴山銘近說天台宅新成太祝廳



壽高舜元父二首

喜見黃鐘月重推絳縣年雪窗溫鼎火春甕養壺天朝市  
成真隱階庭擁壽仙時吟五字律獨立晚風前  
玩易喜心清年高見太平杖扶靈壽穩松削養和輕夜月  
前朝事春風九老盟初筵慙後至立雪捧溪觥

打灘

老石太古色遊魚新水姿輕冰養流永急瀑散飛碁角力  
誰爲挽臨流亦自移南來多此意北望莫相疑

春陰

寂寂春陰半南來未識花故鄉憶寒食細雨摘新茶物色  
供詩句風沙入鬢華山林元未改客路獨烏紗

懷城南諸友二首

春至長爲客愁多始憶君風程江北路水驛海東雲杜宇  
淡淡怨醪醺淡淡醺行藏曾共數不是故離羣  
養性淡辭酒全交淺作書寧知故人厚自愧後生疎春入  
黃河道雲分碧鳥居江湖從浩蕩不敢愛吾廬

舟中雜書五首

野色連雲白春聲引樹清遊魚新浪急歸鳥片帆輕曉夢  
三千里風餐第幾程萍蓬元未穩徒倚問天明  
挂席疎星外停舟獨柳邊團團風始陣帖帖月初弦隴曲  
沙成雪吳歌水拍天行藏有如此把卷獨悠然  
春睡元無著鄉心比酒醲飛花空有意小雨不成容獨樹



疑新埃羣鴉似亂峯艱難憐浩蕩散髮遂初慵  
河落渾無底飄零總客塵春洲蘆雁少曉戶柘蠶勻京洛  
饒豐稔江湖樂賤貧低徊吾不恨應有故山筠  
桑柘斜陽道天然錦繡機雲容催溽暑花片憶春霏水落  
新魚瘦風清宿麥肥歸程時屈指重午試生衣

淮浦

淮水奔如箭舟維岸屢移斷岡封馬鬣落雁陣魚麗白葦  
前朝界青帘古戍基亂離今已矣風物漸熙熙  
立春日宿大清口舟中見新月二鼓雪作  
春月如佳士翩翩欲上船相逢疑昨日一別又新年水鏡  
心胷朗空輪體質全更深飛雪急直與鬪清妍

次韻陳剛中待制初秋二首

碧樹晚雲餘秋聲入客廬知公吟蟋蟀勸我憶鱸魚宦味  
元無著鄉心得未疎清塵滿雙鬢蕭瑟不禁梳  
岸幘倚書楹寒砧徹四城馬歸人獨語雁過月初生寂寂  
候蟲急淒淒落葉清客懷誰與共搔首見參橫

送牟元通歸瀘州

西州人物論翁季擅清門已暗金牛路猶傳鐵騎孫巴江  
雲不盡蜀嶺雪空存邂逅衣冠聚艱難得共論

夜夢作詩覺因足後韻

薄酒薄於水濃山濃似春梁間雙語燕天外獨歸人細柳  
千重緒飛花一寸塵碧窗初睡醒新月寫清真



淮陰大風

極目虛無裏飄飄萬馬馳飛蓬旋橐籥虛谷應填籊春樹  
元無著晴雲復自持倚舟沙際穩歸雁得相隨

題溫州太守德政詩後

海郡炎歊重涼風起素秋飛蝗分界去鳴鵠下陂遊白布  
官租減黃甘雅詠酬兒童多好語竹馬擁君畱

次韻馬伯庸春思兼簡繼學二首

落花千萬朵一一爲君開粟暈排金縷酥凝爛玉杯美人  
乘馬至仙子抱琴來莫學飛紅似隨風喚不迴  
行窩春匝匝下榻望君來雙玉矜嬌思聯鑣騁逸才題詩  
紅袖擁傳詔錦袍迴羞殺高眠者楊花滿綠苔

送秦巖卿從事出宰北平縣

高秋右北平出宰樂時清白水前朝界黃雲舊塞城彈琴  
看雁過東帶候雞鳴不盡平蕪際題詩倚馬成

黃河口

徐州城西北隅與黃  
樓相衝今從此南流

河落流沙駛茫茫禹甸周昔聞傳北載今已絕東流俊鶻  
辭高下輕鷗擅去畱百年文采盡日落認黃樓

徐中丞母八十

謝庭森玉樹漢闕賜金花懿德傳家盛耆年舉世誇晴萱  
當檻直冬筍隔籬斜拭目諸孫秀翩翩佩紫綢

送張榮澤

斂板滎陽縣栽花接早春水新魚子散雪釋馬蹄勻政可



箋河伯何須詠洛神桑田今幾許除籍補疲民

贈瑛上人住洞林

托鉢千巖裏松花凍未開哀猿依講席飢鳥下生臺潭影  
留雲定鐘聲送月回山中太古雪爲寄一瓢來

送周南翁集賢南歸省墓

搖曳十洲仙來尋楚尾船金花榮故里石筍表新阡江橘  
團霜重冰魚鱸雪鮮塔前雙玉好行賦鹿鳴篇

潞公判永興遊嵩之詩見於翰墨然卒與右軍之  
遊汶大率相類名爲造物所忌豈虛語哉今見其  
孫璋甫佐西省甘棠遺思至是殆將見之

渭水落葉盡往來餘碧鷗龍門七十里雁塔一千秋弔古

麒麟塚衝風驪驪裘寒蕪明滅處遮馬見君畱

劉氏集慶堂

華構出層林春浮院宇淡小桃分雜佩新燕掠鳴琴石乳  
千年潤松花百尺陰紫皇方問道那許遂歸心

送蘇子寧和林郎中二首

貂帽護寒沙冰天閱歲華斷溪駝聽水密雪犬行車雲盡  
難尋雁春淡未識花昔人奇絕處八月解乘槎  
往歲經遊地寒蕪碧燐淡雲開山後陣水咽隴頭吟雪白  
羶房重天青羽檄沈重華新雨露悲喜候車音

蘇子寧北行詩二首

出塞黃雲盡經春白雪多高樓閒鼓角絕域靜干戈風急



盤鵬嶺冰淡飲馬河征鞍遲明發揮手渭城歌

去去居庸道關山冬氣淡雪天孤帳宿寒月一笳吟石堞  
棲鴉穩沙場過雁沈粉闌多暇日歸騎有佳音

吳閒閒病起二首

好客頻來往閒雲管送迎花香清病骨松籟答書聲身世  
三生夢乾坤萬古情故園多蕨筍歸興繞江城  
客散庭如水春淡日似年閒心觀宇宙浮世閱風煙詩句  
吟難穩蒲團坐欲穿一聲松外鶴此意共悠然

題蔚州郭氏永寧亭

華亭絕市囂山崦映岩堯落葉燃茶鼎長松挂酒瓢天低  
雲欲下春盡雪初消歲晚無王事前村看射鵰

次韻馬伯庸題凌波仙圖

玉衣朝岱日寶瑟寫湘雲宛轉鸞歸憶參差雁過聞石痕  
生左角松影印迴紋倚竹憐雙泣摘蘭憫自焚停驂沙磧  
近指點認昭君

伯庸以詩見屬次韻二首

學古陳言少官清雅詠多珠玕明玉海寶鑑挹金波易賴  
韋編定書疑汗簡訛斯文今有託爲我補嘉禾  
聽君人物論閱世似難多學禮師倉海傳家繼伏波看山  
窮北戒惜日愛南訛彩鳳非無食瓊山自有禾

高掾祖父八十

心跡混漁樵門深絕市囂花前歌舊曲燈下話先朝白髮



書千卷朱顏酒一瓢有孫遊玉署從此樂逍遙

長春道士禱雨有應

清夜轉崑崙天雷卓午聞平林千樹響古澗百泉分門靜  
堆黃葉山空聳白雲神功滿禾黍尸坐答鑪熏

次韻馬御史題漢州喻氏多勝亭

花壓金橋重春風第一州江喧朝灌口雲擁護遨頭雁落  
沙中渚鷓啼竹外洲使君燈火地為我倚高樓鶴山年少時守漢州

元夕張燈金雁橋斷

次韻伯庸過天寶宮

松暝碧雲淡鶴歸人倦尋朝迴香滿室祠罷月盈襟白鳥  
分山影黃鸝轉樹陰小溪流不歇咽咽似鳴琴

送白誠之赴台州別駕

岩堯巾子峯市近海潮通桂樹團雲濕松花帶露濃猿隨  
僧屐雨鷗送賈帆風盡道無王事持杯百過空

贈瞽者

尸坐包元象虛窗萬籟沈聽泉知地脈候琯合天心風定  
馬蹄急霜清葉落淡弄丸端可學從此罷鳴琴

送成公履守光州

淮樹連空碧淮山徹底清濯纓羞戀闕佩印樂專城曬網  
雲催泊提壺雨勸耕地偏王事簡數雁寫琴聲

寄開元奎律師五首

開元古壇主盡日着袈裟社主勤供茶天神罷送花蒲團



黃葉護香鼎白雲遮終歲無王事繙經到日斜

開元古壇主老至律精嚴洗鉢魚遊水開門鶴入簾拾薪

供茗具滴露寫經籤已悟如來意看花不用拈

開元古壇主身世兩相忘客至常扃戶僧來不下牀神光

千里鶻元辨九秋霜白葉渾消盡蓮池任意香

開元古壇主瓦石化丹青似住元非住無營類有營念珠

金的皦戒鉢鐵晶熒我亦慙塵垢清齋養性靈

開元古壇主幼歲已相聞我竟飄京國師方玩水雲一官

千日計萬事五更分共約修蓮社空林洗垢盆

髻鬣侍諸父拜雙峯祠堂未嘗敢有題詠二十年

來接武于玉堂瀛洲霜露之思缺然有覩近聞平

石長老與廢補仆光紹前聞遂迷舊懷為六詩且

申歎仰

沈沈大士閣千嶂萬夫降近樹青禽獨前松白鶴雙雲霞

生几席星斗列軒窗倪首京塵客生涯愧老龐

慚愧雙峯老光明兩足尊新妝釋迦佛像午窗鈎竹影凍筆點梅

魂齋近烏啼樹禪迴虎伏門春來有新雁勸我趣歸轅

經院辛勤日千金記始興創寺時以賜金千兩經始今八十有四年雨荒蟲蝕

棋壁壞鼠緣藤舊觀丹青復諸天錦繡承短簷增突兀會

見出盧能書來修選僧堂舊有術士言太高稗沙門減其柱然清班亦不聞有顯者故未及之

陰陰虞監宅虞永興宅鬱鬱越公祠掬水不入獻布金猶受疑

流年翁仲守往事苾芻知澗水交流處曾傳玉帶垂



寒徹清泉底山童上水華定金非在井羅睺羅尊者語傳昔有一女子墜釵遂定其水煮米卻成沙洗目能生電撥腸可當茶人持一月去此月落誰家

跣趺干樹暝彈指百花春道以東巖的詩於北澗新歸雲呈住相行籜掃空塵靈鷲誰公論啼猿正惱人

次韻張希孟疑雲石十詠

我愛疑雲好神交萬化前碧窗圍蜃氣黑浪袞蛟涎化石知何代出山今幾年相從清思長寸穎起蒼煙

我愛疑雲好飛塵萬馬驅雄漢麾將士峭直傲公孤斷足鼇分極摩牙虎負嵎何年化霖雨慎勿竟虛無

我愛疑雲好雍容諫諍姿虛中超混沌正色走窮奇潤物

非無意成功自有時棲遲元未晚清坐愧神癡

我愛疑雲好氤氳萬象淡鎮浮廊廟體閱靜雪霜心屈曲蜂房綴玲瓏蟻穴淫玉京誇獨秀此日汗腰金

我愛疑雲好朝昏境不同金芽養靈谷鐵網起晴空月色古今正潮痕子午中點頭那有異吾欲問生公

我愛疑雲好神清湛欲畱岷峩千古雪泰華一天秋獨鶴離羣皎層冰出澗幽無言有淡抱山立正陽休

我愛疑雲好模糊老墨仙癡墓端食月渴驥欲奔泉守黑壺中日談元洞裏天煙霞元自足塵世未爲賢

我愛疑雲好翛然一榻棲支機何物誕醒酒此君低香遠能爲霧泉淡解作溪未須鄰綺角端可比夷齊



清客集卷九  
三十九  
我愛凝雲好能歸萬古春遺簪三鳥客椎髻八蠻臣柏子  
添清供梅花寫舊真天心元不動東海任揚塵  
我愛凝雲好蒼龍擘硤飛振纓悲濁垢整珮謁清微歲月  
江翻浪冰霜玉韞暉黃塵今幾許且勿展書闈

山水圖

樹重雲光溼峯寒曉氣清抱琴人欲往門暗客相迎凍雨  
生寒溜淡雲倚怪藤蹇驢吟不得指點墨千層

淇綠堂

卜築荆溪下碧陰生晝涼軒昂丈人行瀟灑此君鄉月候  
緜山鶴雲催嶰谷風衛風朝夕誦底用別詞章

寄砥長老

雙峯不受暑傑閣稱幽禪蕉葉綠雲扇藤花白雪瓊見龍  
增澗水喜雁點江天笑我開平客于今第幾年

送李希白降香武當山

絕壁通靈籟天香簇寶華重明應龍馬習坎伏龜蛇度嶺  
金盤日穿雲玉佩霞道逢采苓叟應與論南華

送永新王東野還里

天際風花黑燈前鬢影蒼方刊肘後祕金散橐中裝某樹  
童年種茲丘晚歲藏已忘朝野事飛鷺起鳴榔

輞川圖

詩中傳畫意畫裏見詩餘山色無還有雲光卷復舒前溪  
漁父宿舊宅梵王居千古風流在披圖儼起予



贈雪窗上人

少日觀滄海陰山恨未登飢餐太古雪渴飲萬年冰柳色  
迷官道鐘聲動客燈聞與見見問我一枝藤

直沽口

二水赴滄海客行殊未休漁舟維病鶴歸棹起輕鷗雨重  
雲光溼天低樹色浮京塵今已洗從此問菟裘

三月廿九日阻風馮家口

飄泊春風怒維舟古渡濱防堤堆馬鬣蹙浪捲龍鱗撇掠  
吞吳陣紛披障庾塵柳陰亭午轉人靜白鷗馴

次韻劉明叟

欲知行路苦孤雁促歸期矮屋燈昏際空林葉落時滄浪

誰欵乃襜襖笑詒癡點檢韋囊裏玳瑁總屬詩

壽閻承旨三十韻

寶歷書堯甲蒼杓指夏辰脩齡天保魯嘉瑞嶽生申人物  
中州正陶鈞淑氣淳舒晴翹孔翠墮地擢麒麟藻思傳髻  
綺蜚聲起摺紳文鋪崑玉鏤賦約楚蘭紉樂道車中聘談  
經席上珍飛牋油幕佐執簡柏臺賓黼黻開丹地絲綸演  
紫宸慶雲圖遠牒甘澤洗荒塵評論空餘子儀刑倚重臣  
昂昂霄漢表皎皎雪霜身滄海鷗忘慮長風驥絕倫名高  
諸彥避德盛後生親朗鑒中秋月天和太古春精忠言款  
款獎引語諄諄書葉題文債詩筒破酒巡筆翻金井凍詞  
吐露桃新格律常楊陋篇章鮑謝鄰辛勤憐我輩銓賞屬



斯人南極呈黃道東皇挾絳輪霓旌紛旖旎香鼎秀氤氳  
果熟分金母丹成養谷神心澄眸轉碧光瑩頰浮銀物色  
歸青簡年華閱大椿小車花外影馴鶴竹間真賀履聯行  
整傳觴捧勸頻疎閒看遠岫虛靜傲蒼筠往事雲舒卷流  
年肘屈伸長生端可學靈壽不須陳

次韻仲章過陳氏城南書隱十韻

矮屋參差倚平蕪黯淡看夢迴榆塞遠愁絕翠峯寒白髮  
游絲罨丹心古鏡蟠槐明金瑣碎菊鑄玉嶺岷憶月時看  
劍臨風復整冠鄉音憐過雁古調拂離鸞去矣歌招隱終  
焉樂考槃晚知交態薄老識宦途難口腹非真累毋煩饋  
一簞

入南城遇老醫言山陽舊事因成十六韻

邂逅山陽老相傳事已訛姦雄歸草莽天地入悲歌太守  
籌謀誤將軍禮數苛韃橐同下吏騶御失前珂泐湏顏如  
此憑陵事若何比肩身可辱卻立齒爭摩水捲寒雲甲風  
揮白日戈耳聞人作膾眼見血成河翁霍同么子倉皇類  
小幡官軍奔及馬婦女走乘騾自古儒冠忤難將杯酒和  
功成真草草先公在宥府論山陽事去國後維揚論功成謂偶幸時至復峩峩漂母  
恩徒快中郎詠未磨荀羨為中郎將有北征詩遺屯迷鼈石鄧艾所築舊浴  
暗龍渦土沃村村麥湖溪處處荷人生貴行樂何必問銅  
駝

壽致政王侍郎八十二韻



壽俊標周士儀刑望魯儒朝川饒詠賦璜水祕謀謨壯歲  
丰神整明時撫仕殊東曹誇鵲擊公府羨鳧趨審象三韓  
使舍章四皓圖長身昂野鶴正色叱妖狐誓墓文何早傳  
家計豈迂鄉稱三老舊人說二難俱舍竝分桃塢田開別  
芋區水邊時避飲月下屢嗔扶眼碧看山媚鬚銀映雪癯  
油車懸蹠躐野服綴襜褕社肉時相餽春醪不用沽綵衣  
新稚子椎髻古奚奴鼓擊淡淡舞茶烹緩緩呼花飛迷去  
路鳥下避行廚南極珠分瑞東泉斗借斟造朝看賜杖入  
里記垂弧翠柏根如石靈龜息自腴從今躋壽域底用詫  
康衢

壽牟獻之大理卿七十三韻

氣槩岷山秀風神閬苑仙西州餘故老南國挺真賢瑞靄  
垂弧日人思衣繡年清門開臺慶綠籍紀齡延止息功參  
易虛心體合元厖眉垂素手漆髮換華顛今歲七十眉間  
忽生兩毫髮重  
黑鳩杖何期賜牛車不待懸三鱸傳素緒一鶴記青氈粉  
社爭爲壽蘭堦數擊鮮風驂追廣莫雲珮憶鈞天往事清  
霜木希音太古絃五更尊禮絕六老舊堂專所居正六  
老堂遺址杞  
菊調饗鼎丹砂養井泉慵書乞米帖羞辦買山錢醉劇簪  
花舞遊疲枕石眠黃公終慕隱白傅且逃禪文物傳青史  
耆英入繪編弁山寒戢戢茗水響娟娟望海傾朝夕瞻星  
候次躔登龍身未武執雉意空傳偈仄徒多恨低違祗自  
纏窮鄉真坐井陋室強懷鉛夜月思延桂秋風學詠荃終



然羞弱植復爾滯孤鶩問字瓠空在傳經席未前牛衣期  
振拔馬磨費評詮冰柱垂青嶂蠙珠湛碧淵至言機已息  
妙技目無全凡質丹須換精誠潤合穿邈風翰善頌立雪  
冀敷宣

壽李承旨四十韻

寶厯開三禩瓊章集萬神蒼龍迴插子玉兔候交辰潞水  
丹騰渚壺闢氣接旻道傳莘野正學比傳巖醇帝運昌文  
統師臣秉國鈞清宮高贊畫潛邸舊經綸意得超今古才  
雄異等倫春浮霞錯落秋映玉嶙峋三執中書柄重開大  
國昫黃鍾陽脈脈瑤圃霧氤氳仙鼎神膏祕宮壺掌露眞  
恩醲錫麟脯味薄謝猩脣瞳碧光流漆顏紅色耀銀垂紳

凝泰嶽設席陋平津手挈重華古心追貞觀新至人專上  
壽八表樂同仁非虎耆年竝猶龍祖譜親息淡忘蜨化機  
靜狎鷗馴蕩蕩心無競肫肫俗易淳極知調鼎餼不惜汗  
車茵竹帛千年事桑麻萬里春管商謀可鄙房杜跡常遵  
斟酌扶元氣彌縫護國珍倚風憐竹弱聽雪喜松皴玉署  
親裁詔青蒲獨奉宸蜀江移戍罷浙土減租勻榻淨唯烏  
几堂虛且角巾手揮廷下吏目送幕中賓習隱時思許題  
詩尙憶秦黍田溪澗澗花塢澗鄰鄰問俗停車緩貪賢倒  
屣頻藥囊儲赤箭水鑑徹青蘋滄海收毫末空林絕隱淪  
籍功文館定約法論堂詢出處關吾道安危佩一身政須  
陳蹇蹇直與紀麟麟績藝慙班馬抽才頌甫申占天徒有



管望冷眇無垠閱歲桃成實知年海拂塵扶疎慙小草葱  
蒨託靈椿

送文子方著作受交趾使于武昌長律二十韻

萬里蠻陬貢清秋督使馳乘車專述命受幣聽陳辭紫舌  
音聲狡雕題聚族滋玉門心愈遜銅柱約難移江漢尊南  
服星辰拱太儀趨庭輸齒革授館列膏脂私覲情鈞隱公  
言理折疵彈丸空有險東矢定無疑桂蠹消煩溽蒼龜審  
事宜要荒工跌宕保障慎羈縻鸚鵡寒汀遠蒹葭晚岸欹  
壯遊詩句豁古戍角聲悲月蠹朱簾正山低翠浪欺班超  
空耿耿陸賈政怡怡楚水愁腸結衡峯望眼眇過門王事  
急去魯驛程遲緬想垂衣治淡求補袞資大夫謀可利小

客禮須持諭蜀徒煩檄平南漫擬碑佇看王會傳端假史  
臣爲

魯子翬御史分按遼陽作長律五十韻愛其精密  
子今歲亦扈蹕開平因次其韻

象御天街正烏輪海觀昇省方秋戒慎扈蹕歲因仍石迸  
根駢拇山迴勢左肱塵淡疑帽重霧密覺衣蒸午頓炊難  
熟宵征酒易勝解鞍心惘惘執轡念兢兢酪水分罌缶通  
薪算斗升皮毛均製服脂腓或然燈統幕迷高下烽臺閱  
廢興度關泉水咽出口月華澄狼戾官芻峙魚麗餽粟徵  
千房雲疊疊萬竈墨層層列帳排衣甲行營護棘矜旆旋  
環似翼鼓發去如繩斗北瞻紅棧雲西指白登草肥青擺



稷松聳翠峻嶒積雪疑忘象搏風訝徙鵬屬車攢幄帳行  
殿儼茵憑白氎時逢賈朱衣定指僧翠旄逼華蓋金甕耀  
觚棱觀闕天經界儀臺象緯凭仗飛拳似虎鐵杖足如能  
竹帛司常煥丹青職貢增會朝珠帽蒺錫宴寶卮疑陞立  
齊垂橐師行陋釋棚廣寒通月窟高爽寄涼檜上聖英資  
異丁年武德宏天戈中夜渡星檄百川承同軌嚴行夏明  
禮恥用鄮別州端首冀分器定先滕德啟無疆服光傳有  
道曾皇威宣絕漠陽澤散堅冰表正辰居所漸仁水集棚  
庭開下鳴鳳苑廢罷飛鷹舉逸尊加璧掄才鄙販繒鄧林  
揆八柱瀛海取三凌曲學慙繩祖孤聞賴得朋沈思雲外  
弋冥索澤中曾客議雞同鶴人疑驥聚蠅濡毫終有思執

簡豈無懲謂可兼遐邇胡云立愛憎清芬蘭佩結芳薦蕙  
殺烝鴻筆吾誠忝輶軒子累乘共知心耿耿相對髮鬢鬢  
馬磨誰憐許龍門共企膺枚生詞過實揚子德徒稱盛化  
乾坤闢王綱日月恆麟符昭炳蔚豹霧駭超騰虛白難爲  
繪空青不受矰欲追千古筆爲付一枝藤

王趙公八十應制十韻

耆德膺熙洽皇風協泰和公明旁作穆帝念敘惟歌粉社  
新封土蓬壺舊隱窩黃公資輔翼白傅退婆娑望日靈龜  
息擎雲古柏柯精神霞爛爛儀觀玉峩峩設醴樽浮蟻兼  
珍釜錫馳擁牀爭置笏立馬會鳴珂服食丹藏井絲綸錦  
族窠永須依日月何必問煙蘿



壽開府承旨十韻

泰嶽舒紅日天門爛紫霞氤氲生宰輔磅礴贊亨嘉文武揚中外寬嚴接邇遐嵩雲擁馭度積雪飛沙畫戟車流水青編筆有花精神春不老器宇海無涯玉殿彌綸重金鑿密勿華傳宣花似斗錫宴棗如瓜上壽三千歲元勳第一家山河開賜履早晚聽宣麻

劉邢公九十應制十二韻

賜履光華閣延齡冠帝畿氤氲秋霽嶽菌蠢露凝芝六聖存遺老千官介壽祺傳宣鳩飾杖錫宴蟻浮卮餐玉銀鎔頰簪花翠壓眉灌陰機帖帖擊壤樂熙熙坐石雲生窟澆槐水溜池霜淡風脫木冬暖凍消梨往事先朝夢多情舊

日詞魯公方拜後鸞子定爲師用拙長年櫟虛心太古著成功全靖退樂道過期頤

次韻伯庸畫松十韻

妙思通靈素元陰接帝青抗顏躬蹇蹇蒙頂髮星星颯爽龍羞豢蕭疎鶴鍊形壁虛生地籟斗近界天經蝶夢春濤湧蟲疑曉日冥雲生停竦候風入倚窗聽屈曲車連軫騰拏簾列庭戀鄉思海岱封爵鄙云亭月落孫生嘯天寒屈子醒雄姿輕虎豹浮跡陋鷗鵲

壽張希孟父郡侯八十二韻

古渭垂綸老康衢擊壤翁星輝騰處士天爵賁家公顯氣西郊肅祥雲北渚濃坐班鳩杖叟舞轉柘枝童壽骨英光



清容集卷九  
四百〇七  
聳厖眉厚德充九重恩誕錫三命偃彌躬麟紱開華旦龜  
齡擬少嵩簪花便廣額植菊瑩方瞳鼎釜兼珍飫刀圭上  
藥融傳宣壺燦爛合宴珮青葱積慶先猷遠詒謀晚福豐  
靈椿培世範玉樹挺家風正色通天闕高懷納楚宮倚風  
看雁北就日見雲東君父恩彌重交遊論盡同竭誠心翠  
翬移孝思忡忡意壯追奔馬機忘數過鴻元參揚子衍書  
比伏生工浩蕩漸摩澤昇平塊坵功定須超混沌何必問  
崆峒

王叔能侍丞相入見王繼學尙書序其事謹賦十

二韻

行殿圍璫邸鑾輿擁翠簾重華方聖治上宰益勞謙臺閣

推公幹蒿萊擢孝廉官儀精考核選格絕停淹議禮心如  
轂揆賢手自籤都曹清望重瑣闥雅才兼對榻褒嘉寵垂  
紳俯伏瞻傳宣桐酒錫拜命襲衣霑令節薰風細皇恩湛  
露厭事殊靈壽杖賜比水精鹽際遇喧朝野矜誇徹里閭  
遺臣思載筆往恨泣攀髯



